

OYSTER PERPETUAL DATEJUST



ROLEX



MICHELSSEN
ÚRSMIDIR SÍÐAN 1909

Laugavegur 15 - 101 Reykjavík
511 1900 - www.sviss.is

MARKAÐURINN

Miðvikudagur 29. ágúst 2011 | 14. tölublað | 8. árgangur

Sími: 512 5000 | [visir](http://www.visir.is) www.visir.is

Vistvæna
prentsmiðjan!

GUDJÓNÓ
VISTVÆN PRENTSMÍÐJA
Sími 511 1234 • www.gudjono.is

ÍSLAND EITT STÆRSTA NAFNIÐ Í JARÐHITA

- Forstjóri Reykjavík Geothermal segir frá fyrirtækinu sem er nú með starfsstöðvar í fimm löndum.
- Undirbýr byggingu á allt að 300 megawatta jarðvarmavirkjun í Eþíopíu og stendur að tveimur uppbyggingarverkefnum á Indlandi
- REI-málið var pólitískur farsí



Fótboltakappi opnar ísbúð með Emmessís í Belgíu

Knattspyrnukappinn Stefán Gíslason opnaði nýlega ásamt komu sinni, Hörpu Lind Harðardóttur, ísbúðina YoConcept í belgíska bænum Leuven þar sem boðið er upp á íslenskan jógúrtís frá Emmessís. „Það eru bara um þrjár vikur frá opnun, en viðtökurnar hafa verið mjög góðar,“ segir Stefán, sem gekk til liðs við OH Leuven í efstu deild í upphafi árs.

Stefán segist hafa kynnt sér ýmsa valkosti varðandi jógúrtísinn, en litist best á Emmessís og þeirra vöru. „Við stefndum að því að koma með eitt-hvað íslenskt hingað út. Jógúrtísinn frá Emmess er það besta sem í boði er og kunnarnir eru ánægðir.“

Spurður hvort þessi búð sé forsmekkurinn að einhverju öðru segir Stefán aldrei að vita. „Ég hef lengi velt fyrir mér hvað tæki við eftir að ferlinum lyki. Þetta er klárlega spennandi og kannski fyrsta skrefið en við sjáum til hvernig þetta þróast.“ - Þj

Priðjungur miða á Iceland Airwaves seldir á Íslandi

Einungis 30,4 prósent þeirra sem náðu að kaupa sér miða á Iceland Airwaves-hátíðina í ár eru Íslendingar. Fimmtungur miðakaupenda er frá Bandaríkjunum og um 12,5 prósent frá Þýskalandi. Íslenskum gestum hefur fækkað árlega samhliða því að geta hátíðarinnar til að taka við fleiri eykst. Þetta er meðal þess sem kom fram í erindi Gríms Atlasonar, framkvæmdastjóra Iceland Airwaves, á fundi sem MBAnám Háskóla Íslands stóð fyrir um sérhæfingu í ferðaþjónustu í síðustu viku. Iceland Airwaves hefst 31. október næstkomandi og stendur til 4. nóvember.

Uppselt var á hátíðina í byrjun ágúst, ellefu vikum áður en hátíðin hefst. Gestir verða um 7.000 talsins og hafa aldrei verið fleiri, en seldir miðar eru um 5.000. Munurinn stafar að mestu af því að hljómsveitarmeðlimir allra þeirra 210 hljómsveita sem spila á hátíðinni fá frían aðgang á hana.

Íslenskir gestir verða þó aðeins fleiri, alls 3.200 talsins, eða um 45 prósent gesta. Þeim hefur þó farið hratt fækkandi. Árið 2010 voru þeir 4.085 og 65 prósent allra gesta. - Þsj

Sjónmælingar í Optical Studio


Tímamantanir í síma:

- Optical Studio í Smáralind, 5288500
- Optical Studio í Keflavík, 4213811
- Optical Studio í Leifsstöð, 4250500

Optical Studio
SMÁRALIND • LEIFSTÖÐ • KEFLAVÍK

Fróðleiksmolinn DataMarket

Atvinnuleysi karla og kvenna frá aldamótum




Langst af var atvinnuleysi á Íslandi hærra meðal kvenna en karla en við hrun íslensku bankanna snerist dæmið við. Atvinnuleysi meðal kvenna fór mest upp í 8% en var um tíma vel yfir 10% hjá körlum.


Það er einnig forvitnilegt að frá hruni hafa sveiflur í atvinnuleysi verið mun meiri meðal karla en kvenna. Þekkt er að atvinnuleysi er almennt lægra á sumrin, en sú árstíðabundna sveifla kemur mun skýrar fram hjá körlum, eins og sjá má á myndritinu hér að ofan.

Starfandi eftir kyni og starfshlutfalli

Starfandi konur eftir starfshlutfalli



Starfandi karlmennt eftir starfshlutfalli



Konur virðast hins vegar líklegri en karlmennt til að vera í hlutastarfi. Þriðjungur starfandi kvenna var í hlutastarfi í júlí 2012 en einungis áttundi hver karlmaður.

Dagatal viðskiptalífsins keldan dagatal viðskiptalífsins

Miðvikudagur 29. ágúst

- Gögn tengd áramótastöðu íbúða og sumarhúsa
- Vísitala neysluverðs í ágúst 2012

Fimmtudagur 30. ágúst

- Nýskráningar og gjaldþrot í júlí 2012
- Vísitala framleiðsluverðs í júlí 2012
- Norræna Öryggisráðstefnan í Hörpu

Föstudagur 31. ágúst

- Vöruskipti við útlönd janúar-júlí 2012

Mánudagur 3. september

- Greiðslujöfnuður – hagtölur Sí
- Erlend staða þjóðarbúsins – hagtölur Sí
- Erlendar skuldir – hagtölur Sí

Þriðjudagur 4. september

- Gjaldeyrismarkaður – hagtölur Sí
- Krónumarkaður – hagtölur Sí
- Raungengi – hagtölur Sí

Miðvikudagur 5. september

- Fasteignamarkaðurinn eftir landshlutum
- Gistinætur og gestakomur á hótélum í júlí 2012
- Vöruskipti við útlönd
- Lifeyrissjóðir – hagtölur Sí

Föstudagur 7. september

- Nýjar upplýsingar frá Þjóðskrá Íslands
- Landsframleiðsla 2011, endurskoðun
- Vísitala launa á 2. ársfj. 2012
- Landsframleiðsla á 2. ársf. 2012
- Efnahagur Seðlabankans – hagtölur Sí
- Úboð ríkisbréfa

Allar markaðsupplýsingar eru aðgengilegar á vísir

Ikea gæti komið að hóteli við Hörpu

Dótturfélag Ikea er í samstarfi við World Leisure Investment, sem á byggingarréttinn að hóteli við hlið Hörpu, um að byggja 100 hótél í Evrópu. Eitt þeirra gæti risið á Íslandi ef Ikea leyfir dótturfélaginu að fjárfesta hérlendis.

FERÐAÞJÓNUSTA

Þórour Snær Júlíusson | thordur@frettabladid.is

Inter Hospitality Holding, dótturfélag sænska húsgagnaframleiðandans Ikea sem staðsett er í Liechtenstein, verður mögulega á meðal eigenda hótelsins sem fyrirhugað er að risi við hlið Hörpu, samkvæmt heimildum Markaðarins. Félagið er í samstarfi við World Leisure Investment, sem keypti byggingarréttinn á lóðinni við hlið Hörpu, um að fjárfesta í 100 hótélum víðs vegar um Evrópu. Ein þeirra borga sem koma til greina er Reykjavík.

Pétur J. Eiríksson, stjórnarformaður Portusar, segist geta staðfest að Inter Hospitality Holding, dótturfélag Inter Ikea Holding, sé í samstarfi við World Leisure í þessu verkefni. „Ég get hins vegar ekki staðfest að þeir verði inni í verkefninu í Reykjavík,“ segir Pétur.

Spurður hvort Íslendingar séu á meðal eigenda World Leisure segir Pétur svo ekki vera, að minnsta kosti ekki enn sem komið er.

Sumarið 2011 var opnað fyrir tilboð í lóð undir hótél við hlið Hörpu. Þá bárust sex tilboð og var tveimur fyrirtækjum, sem áttu hæstu tilboðin, boðið í frekari viðræður. Í fyrrahaust var síðan samið við svissneska félagið World Leisure Investment, sem hafði boðið 1,8 milljarða króna í byggingarréttinn, um að byggja hótelið. Öll framkvæmdir átti síðan að kosta um átta milljarða króna.

Lítið er vitað um World Leisure annað en að það er vettvangur þar sem fjölmargir fjárfestar leggja sameiginlega fram fé til fjárfestinga í hótél- eða ferðaiðnaði. Samkvæmt upplýsingum Markaðarins eru efnadir einstaklingar frá Bandaríkjunum, Bretlandi og Persaflóa á meðal þeirra sem leggja fé inn í félagið. Þeir fjárfestar sem standa að World Leisure nýta vettvanginn til að finna fjárfestingatækifæri, annast skipulag framkvæmdarinnar og til að sinna annarri



HARPA Hótelið sem um ræðir á að risa við hlið Hörpu. Bygging hótelsins er talin forsenda þess að ráðstefnuhluti Hörpunnar geti skilað viðunandi tekjum til framtíðar. FRÉTTABLAÐID/CVA

þróunarvinnu. Í kjölfarið skipta þeir fjárfestingunum á milli sín og fá oft á tíðum inn aðra samstarfsaðila. Í þessu verkefni hefur samstarfsaðili World Leisure verið Marriot-hótelkeðjan.

Þrátt fyrir að tæpt ár sé liðið frá því að samið var við World Leisure hefur enn ekki verið gengið formlega frá samningnum við félagið. Opinbera skýringin er sú að í raun sé búið að klára alla þá vinnu, en að undirritun samninga klárast ekki vegna ýmissa tæknilegra aðstæðna.

Heimildir Markaðarins herma að ástæða tafanna sé innkoma Inter Hospitality Holding, dótturfélags Ikea, inn í samstarfið. Í kjölfar þess að það gerðist var ráðist í að stofna nýtt félag utan um ýmsar fjárfestingar í Evrópu með nýja samstarfsaðilanum og

Marriot-hótelkeðjunni, enda lýsti Ikea því yfir fyrir í ágústmánuði að það væri stefna samstæðunnar að byggja yfir 100 hótél í Evrópu á næstu árum. Alls áætlað Ikea að setja um 150 milljarða króna í þetta verkefni. Ódýrt á að vera að gista á þessum hótélum og stefnt er að því að þau verði öll miðsvæðis í helstu borgum Evrópu. Ikea áttar ekki að reka hótél sín sjálf og þau verða ekki rekin undir nafni sænska húsgagnaframleiðandans.

Samkvæmt heimildum Markaðarins var það stór steinn í götu framgangs verkefnisins við hlið Hörpu að Ísland er ekki á lista yfir lönd sem Ikea heimilafélagum í sinni eigu að fjárfesta í. Vegna þessa hefur enn ekki verið ákveðið hvort Ikea taki þátt í Hörpuhótelinu.

HÓTEL LYKILL AÐ RÁÐSTEFNUTEKJUM

Í REKSTRARÁÆTLUN fyrir Hörpu sem lögð var fram í febrúar 2011 voru forsvarsmenn rekstrarins afar bjartsýnir á ráðstefnuhald sem tekjuleið, þrátt fyrir að hótél væri ekki risið við hlið hússins á fyrstu árum starfsemi þess. Þar segir meðal annars að „fyrstu árin mun Harpa ekki vera með hótél, sem takmarkar möguleika hússins að vinna markaðshlutdeild þó að það séu hótél í nágrenninu. Hér verður því gert ráð fyrir að Harpa nái 45% markaðshlutdeild árið 2012 eða rúmlega 52 þúsund manns. Gert er ráð fyrir að markaðshlutdeild Hörpu aukist úr 45% í 52% á þremur árum um leið og markaðurinn stækkar vegna fjölgunar ferðamanna og þar sem ráðstefnum vegna fagfélaga fjölga [...] Reiknað er með að hótelið verði komið í notkun síðla árs 2013.“ Í dag er talið að hótelið muni taka til starfa á árinu 2015. Vert er að taka fram að samkvæmt áætluninni átti ráðstefnuhald að skila Hörpu 216,4 milljónum króna í tekjur á þessu ári. Í úttekt KPMG á stjórnun og rekstri Hörpu, sem gerð var nýverið, er áætlað að tekjurnar verði hins vegar 130,7 milljónir króna, eða 85,7 milljónum minna en lagt var upp með.

ER ÞITT FYRIRTÆKI MEÐ SAMNING?

Fyrirtæki sem eru með samning við Icelandair njóta þess í hagkvæmari rekstri, betri tímanýtingu og ánægðara starfsfólki.

Hlunnindi sem fyrirtækjasamningur veitir:

- Sérstakur ferðaráðgjafi hefur umsjón með hverju fyrirtæki.
- Neyðarnúmer sem er opið allan sólarhringinn – alla daga ársins.
- Afsláttur sem býðst af fargjöldum til áfangastaða Icelandair.
- Nákvæmt viðskiptayfirlit á vefnum.

+ Allar nánari upplýsingar á www.icelandair.is/fyrirtaeki eða sendið fyrirspurnir á fyrirtaeki@icelandair.is



ECONOMY COMFORT
Meiri þægindi, góð vinnuaðstaða, rafmagnsinnstunga fyrir tölvu.

Við bjóðum fyrirtækjum sérþekkingu



Okkar vinna snýst um að þín vinna gangi vel. Við leggjum okkur fram um að setja okkur vel inn í það sem þú ert að gera, og þó að við þekkjum kannski ekki viðfangsefnið í þínu starfi jafn vel og þú, þá vitum við hvað starfið gengur út á.

Hjá Íslandsbanka starfar hópur fólks sem býr að áratuga reynslu af ráðgjöf við stór og smá fyrirtæki í ferðaþjónustu og hefur viðtæka sérþekkingu á fjárhagsumhverfi þeirra. Þannig getum við ávallt tryggt þeim þá bankaþjónustu sem þau þarfnast.

Þekking sprettur af áhuga.

Kristín Hrönn Guðmundsdóttir hefur veitt ferðaþjónustuaðilum og öðrum fyrirtækjum fjármálaþjónustu í meira en 10 ár. Kristín Hrönn er viðskiptastjóri hjá Íslandsbanka.

Við bjóðum
góða þjónustu

islandsbanki.is | Sími 440 4000


Íslandsbanki



MITT ROMNEY Forsetaframbjóðandi repúblikana.

Repúblikanar vilja breyta peningastefnu Bandaríkjanna:

Repúblikanar skoða gullfót undir dalinn

Repúblikanaflokkurinn, annar af stóru flokkunum tveimur í Bandaríkjunum, hyggst kalla eftir því í stefnuskrá sinni fyrir forsetakosningarnar í haust að stofnuð verði nefnd til að skoða tengingu Bandaríkjadals við gullfót.

Dalurinn var skiptanlegur í tiltekið magn gulls til ársins 1971 þótt hann hafi ekki verið á eiginlegum gullfæti síðan á 19. öld. Ekkert ríki í heiminum tengir gjaldmiðill sinn gulli í dag en gullfótur er almennt talinn skaðlegur fyrir hagvöxt og stöðugleika.

Í drögum að stefnuskrá Repúblikanaflokksins, sem verður samþykkt á landsfundi flokksins sem hófst á mánudag, er einnig kallað eftir því að þingið hafi eftirlit með peningamálastefnu bandaríska Seðlabankans. Síðustu áratugi hefur seðlabankinn verið sjálfstæður frá afskiptum stjórnámalamanna þótt forseti Bandaríkjanna skipi yfirmenn bankans sem þingið þarf jafnframt að samþykkja.

Mikil aukning í tekjum af sjónvarpsþjónustu:

Vodafone hagnast um 206 milljónir

Vodafone hagnaðist um 206 milljónir króna á fyrstu sex mánuðum ársins. Hagnaðurinn jókst um 150 milljónir króna á milli ára. Hagnaður félagsins fyrir skatta, fjármagnsliði og afskriftir (EBITDA) var tæplega 1,4 milljarðar króna sem er um fimmtungi meira en Vodafone hagnaðist um á sama tímabili í fyrra.

Heildartekjur Vodafone jukust um fimm prósent á milli ára og voru um 6,5 milljarðar króna. Aukningin var mest í sjónvarpsþjónustu þar sem hún nam 19 prósentum. Að sama skapi jókst rekstrarkostnaður um fimm prósent.

Vodafone var með 29,3 prósent markaðshlutdeild á farsímamarkaði í fyrra. Félagið stefnir að því að verða skráð í Kauphöll Íslands á fjórða ársfjórðungi 2012.



MP banki skoðar að sækja nýtt hlutafé á næstunni

MP banki hagnaðist um 119 milljónir króna eftir skatta á fyrri hluta ársins. Eignir bankans hafa vaxið mjög hratt og eiginfjárgrunnur dugur ekki lengur. Forstjóri bankans segir hlutafjárukningu líklega.

FJÁRMÁLAFYRIRTÆKI

Þóroddur Snær Júlíusson | thordur@frettabladid.is

MP banki stefnir að því að sækja sér aukið hlutafé á komandi vetri til að geta haldið vexti sínum áfram. Eignir bankans hafa aukist hratt og samhliða hefur eiginfjárlutfall hans lækkað. Um mitt þetta ár var það orðið 14,3 prósent en eigið fé hans er 5,2 milljarðar króna.

Sigurður Atli Jónsson, forstjóri MP Banka, staðfestir að hlutafjárukning verði skoðuð. „Hlutirnir eru að ganga vel hjá bankanum og okkur er að takast mjög vel að auka viðskiptamagn. Samhliða hefur komið að því að sá eiginfjárgrunnur sem við erum með í dag fer að verða takmarkandi þáttur. Um þessar mundir er því verið að fara yfir frekari útfærslur á því að auka eiginfjárgrunn bankans til að geta haldið áfram á þessari vaxtarbraut. Á meðal þess sem verður skoðað er að sækja okkur nýtt hlutafé.“

Að sögn Sigurðar Atla myndi það gerast í vetur. Spurður hvort einvörðungu verði leitað inn í núverandi hluthafahóp eftir þeirri innspýtingu segir hann að slíkt verði skoðað með núverandi hluthöfum. „Það yrði síðan ákvörðun stjórnar og hluthafafundar ef af yrði. En við höfum ekkert skoðað það frekar varðandi aðkomu fjárfesta sem eru ekki í hluthafahópnum í dag.“

Þegar nýir hluthafar, undir forystu Skúla Mogensen, tóku yfir MP banka í fyrra var það yfirlýst markmið þeirra að skrá hann á markað innan þriggja ára. Sigurður Atli segir stjórnendur bankans enn vera að vinna samkvæmt því markmiði.

MP banki birtir hálfársuppgjör sitt í gær. Bankinn hagnaðist um 119 milljónir króna á tímabilinu, sem er verulegur viðsnúningur frá 681 milljóna króna tapi á



FORSTJÓRI Sigurður Atli Jónsson, forstjóri MP banka, segir að sá eiginfjárgrunnur sem bankinn sé með í dag fari að verða takmarkandi þáttur í vexti hans.

sama tímabili í fyrra. Rekstrar-tölur milli ára eru þó ekki samanburðarhæfar, enda tóku nýir eigendur við bankanum í apríl í fyrra eftir að hafa keypt íslenskar og litháískar eignir gamla MP banka, og lagt nýja bankanum til 5,5 milljarða króna í nýtt hlutafé.

Alls námu eignir bankans um 71,8 milljörðum króna um mitt þetta ár og jukust um 43 prósent á milli ára. Handbært fé MP banka hefur einnig aukist mjög hratt. Í lok þriðja ársfjórðungs 2011 var það 15,8 milljarðar króna en var 28,6 milljarðar króna í lok júní síðastliðins. Á sama tíma lækkuðu eignir bankans í verðtrygðum bréfum um 7,5 milljarða króna.

Helstu skýringar á vexti bankans er að finna í því að útlán hans hafa aukist úr 7,6 milljörðum

AÐRIR BANKAR BIRTA Í LOK VIKUNNAR

Stóru bankarnir þrír, Landsbankinn, Arion banki og Íslandsbanki, munu birta hálfársuppgjör sín í lok þessarar viku. Landsbankinn og Íslandsbanki á fimmtudag en Arion banki á föstudag. Samanlagt högnuðust þeir um 17,8 milljarða króna á fyrstu þremur mánuðum ársins 2012. Íslenska ríkið er stærsti eigandi Landsbankans og á hlut í báðum hinum. MP banki er því eini banki landsins sem er að fullu í eigu einkaaðila. Stærsti eigandi hans er Titan B ehf., eignarhaldsfélag í eigu Skúla Mogensen, með 17,3 prósent hlut.

króna í 20,7 milljarða króna á einu ári. Innlán og peningamarkaðs-innlán jukust á sama tíma um 39 prósent og eru nú 51,1 milljarðar króna.

Bæði þóknana- og vaxtatekjur MP banka hafa vaxið mikið milli ára. Þóknatekjur bankans voru 72 milljónir króna um mitt síðasta ár en 623 milljónir króna í lok júní 2012. Vaxtatekjur bankans jukust úr því að vera neikvæðar um 45 milljónir króna í

að vera jákvæðar um 851 milljón króna á sama tímabili.

Afskriftir bankans af útlánum voru umfram rekstraráætlanir, eða 254 milljónir króna. Í tilkynningu sem fylgdi uppgjörinu segir að þær skýrist „af sérstakri niðurfærslu vegna einnar tiltekinnar eignar sem nýir hluthafar tóku yfir frá fyrri eigendum samfara hlutafjárukningu í fyrra. Án hennar væri afkoma bankans um 17 milljónum króna betri.“

Reykjanesbær selur Magma-skuldabréf fyrir 6,3 milljarða

Andvirðið af sölu Reykjanesbæjar á Magma-skuldabréfinu fer í að greiða niður skuldir bæjarins og bæta stöðu Reykjaneshafnar. Um fimm milljarðar króna staðgreiddir.

Reykjanesbær hefur greitt upp öll erlend lán og allar skammtímaskuldir bæjarsjóðs með sölu á svokölluðu Magma-skuldabréfi á 6,3 milljarða króna. Bréfið féll í hlut bæjarins við sölu á hlut í HS Orku til Geysis Green Energy á sínum tíma.

Kaupandi skuldabréfsins er fjárfestingasjóðurinn ORK, sem er rekinn af rekstrarfélaginu Virðingu, en margir lífeyrissjóðir eru meðal helstu eigenda og viðskiptavina Virðingar. Kaupverðið var 6,3 milljarðar, sem Árni Sigfússon, bæjarstjóri Reykjanesbæjar, segir að sé í samræmi við bókfært virði skuldabréfsins.

ORK hefur þegar greitt bæjarsjóði 3,5 milljarða króna í peningum og 500 milljónir í markaðsskuldabréfum, en eftirstöðvarnar verða gerðar upp eftir fimm ár, þegar Alterra, áður Magma, gerir bréfið upp.

Í tilkynningu frá Reykjanesbæ kemur fram að kaupverðinu verði varið til uppgreiðslu skulda. 800 milljónir fara í að greiða upp erlent lán bæjarins við þýska

bankann Depfa, 870 milljónir fara í rekstur Reykjaneshafnar, sem hefur staðið höllum fæti um árabíl, 700 milljónir fara í að ganga frá uppgjöri vegna endurskipulagningar á Eignarhaldsfélaginu Fasteign og 840 milljónir fara í að greiða fjármagnstekjuskatt sem var útistandandi vegna sölunnar á hlutum í HS Orku.

Þar að auki verða greidd upp öll skammtímalán við bankastofnanir og skammtímaskuldir bæjarins.

„Þetta er mikið ánægjuefni þar sem við erum að greiða allar bankaskuldir bæjarsjóðs og útistandandi reikninga sem er mjög jákvætt,“ segir Árni í samtali við Markaðinn. Hann bætir því við að með ofangreindu og sölu á 15% hlut bæjarins í HS Veitum fyrir um 1,3 milljarða, muni bærinn lækka skuldir og skuldbindingar sínar um átta milljarða á þessu ári.

Reykjanesbær er í ábyrgðum fyrir skuldir Reykjaneshafnar sem námu um 5,7 milljörðum króna í lok síðasta árs. 557 milljóna

tap varð á rekstri hafnarinnar á síðasta ári. Við endurskipulagningu skulda hafnarinnar í fyrra skuldbatt bærinn sig til þess að ef kæmi til sölu á Magma-bréfinu myndi fjórðungur af útborgun renna til hafnarinnar í formi víkjandi láns, eins og nú verður gert.

Árni segir að engar skuldbindingar hafi hins vegar fylgt kaupnum á skuldabréfinu.

Í ársreikningi Reykjanesbæjar fyrir árið 2011 kemur fram að beinar skuldir bæjarsjóðs hafi verið 25,8 milljarðar í árslok, en heildarskuldir samstæðunnar, þar sem Reykjaneshöfn fellur undir, voru 41,2 milljarðar.

Í samantekt bæjarins frá vori 2011 eru tíundaðar seljanlegar eignir A-hluta bæjarsjóðs. Þar voru, fyrir utan Magma-bréfið og 2,5 milljarða króna innistæðu í Landsbankanum, hlutur í HS veitum, bókfærður á 6,5 milljarða, og land og auðlindir á Reykjanesi sem höfðu verið boðin ríkissjóði á 1,8 milljarða.

Tækifæri í sölu á jarðhitapekkingu

Reykjavík Geothermal hefur á fáum árum vaxið úr hugmynd í kollinum á Guðmundi Þóroddssyni í tæplega 30 starfsmanna fyrirtæki með starfsstöðvar í fimm löndum og veltu upp á hálfan milljarð á ári. Markaðurinn ræddi við Guðmund um fyrirtækið, jarðvarmaklasann á Íslandi og möguleika Íslendinga á að selja þekkingu á jarðhita utanlands. Þá tjáir hann sig um REI-málið svokallaða, Guðmundur stýrði REI.

FRÉTTAVIDTAL

Magnús Þorlákur Lúðvíksson
magnusl@frettabladid.is

Guðmundur Þóroddsson stofnaði fyrirtækið Reykjavík Geothermal á haustmánuðum 2008 eftir að hafa látið af störfum hjá Orkuveitu Reykjavíkur (OR) í kjölfar REI-málsins svokallaða.

Fyrirtækið, sem er í eigu stjórnenda og erlendra fjárfesta, vinnur að þróun orkuvinnslu á jarðhitasvæðum víða um heim en veitir auk þess ráðgjafarþjónustu um jarðhitánýtingu. Starfsmenn fyrirtækisins eru tæplega 30 talsins en það hefur starfsstöðvar í fimm löndum; Íslandi, Bandaríkjunum, Eþíópíu, Sameinuðu arabíska furstadæmunum og Papúa Nýju-Gíneu. Þar að auki hefur það komið að jarðhitaverkefnum í Mexíkó, Tansaníu, Indlandi, Rúanda, Sádi-Arabíu og ríkjum í Karíbahafinu. Markaðurinn tók Guðmund tali og ræddi við hann um fyrirtækið og möguleika Íslendinga á því að selja þekkingu á nýtingu jarðhita erlendis.

Reykjavík Geothermal er nú með starfsstöðvar í fimm löndum í fjórum heimsálfum. Geturðu sagt mér nánar frá umfangi starfseminnar og hvers konar verkefnum fyrirtækið hefur verið að vinna að?

„Fyrirtækið er þróunar- og ráðgjafarfyrirtæki sem felst í því að við göngum inn í eða þróum jarðhitaverkefni og tökum einnig að okkur ráðgjafarverkefni fyrir bæði fyrirtæki og opinbera aðila. Við erum rétt að koma fyrstu verkefnum okkar af stað en það fyrsta stóra verður vonandi í Eþíópíu þar sem undirbúningur stendur nú yfir vegna byggingar allt að 300 megawatta jarðhitavirkjunar. Við erum auk þess með tvö minni verkefni í gangi á Indlandi í samvinnu við þarlendan samstarfsaðila okkar sem nefnist Thermax. Það eru í raun fyrstu sýningarverkefni á nýtingu jarðhita í Indlandi, annað þeirra niðri við ströndina í nágrenni Mumbai og hitt uppi í fjöllumum í Kasmír. Þá höfum við á síðustu misserum veitt mörgum stærstu fyrirtækjum heims ráðgjöf um jarðhita allt frá Papúa Nýju-Gíneu til Karíbahafsins.“

Reykjavík Geothermal er í hópi þeirra fyrirtækja og stofnana sem standa að hinum svokallaða Íslenska jarðvarmaklasa. Klasinn byggir á þeirri hugmynd að íslensk fyrirtæki og stofnanir geti látið mikið að sér kveða í þróun á nýtingu jarðvarma á næstu árum og áratugum og selt íslenskt hugvit á heimsvísu. Það er væntanlega framtíðarsýn Reykjavík Geothermal, eða hvað?

„Já, við sjáum mikil tækifæri í þessum geira. Jarðhiti gæti hæglega orðið einn af helstu orkugjöfum heimsins en það sem hefur staðið honum fyrir þrífum hingað til er að það er mikil upphafsáhætta fölginn í uppbyggingarverkefnum. Þá eru bestu ónýttu jarðhitasvæðin í þriðja heiminum sem gerir það að verkum að erfiðara er að nálgast áhættufjármagn. Það hefur því gengið hægt fyrir jarðhita að hasla sér völl sem raunhæfur kostur við orkuframleiðslu en nú er hægt og rólega að komast meiri gangur á þetta. Fyrir fimm árum var heildarvirkjun á jarðhita í Afríku innan við 100 megawött. Núna er sú tala komin upp í 300 til 400 megawött og stöðugt fleiri verkefni í þróun. Sama þróun er að eiga sér stað víðast hvar annars staðar. Þá fögnum við því að þessi jarðvarmaklasi sé að myndast enda er þetta orðinn stór og sterkur iðnaður hér á Íslandi. Við höfum ráðgjafarfyrirtæki eins og okkur og verkfræðistofurnar og við höfum orkufyrirtæki sem mynda heima-markaðinn. Þá höfum við sterkar stofnanir á borð við ÍSOR og Jarðhitaskóla Sameinuðu þjóðanna sem gefur Íslendingum sterka stöðu á heimsvísu þar sem í stjórnkerfum flestra jarðhitaríkja þróunarheimsins er að finna fyrir nemendur úr skólanum, oft í lykilstöðum. Það má því segja að alls staðar þar sem við komum sé fyrir að finna sendiherra Íslands.“

Hvar er ykkar keppinanta að finna?

„Það er í rauninni í þeim löndum sem höfu



GUÐMUNDUR ÞÓRODDSSON Guðmundur hefur starfað í tengslum við jarðhita í um þrjátíu ár. Áður en hann stofnaði Reykjavík Geothermal gegndi hann starfi forstjóra Orkuveitu Reykjavíkur í næstum áratug.

FRÉTTAVIDTAL/STEFAN

REI-MÁLID PÓLÍTIÐSKUR FARSÍ

Guðmundur Þóroddsson gegndi starfi forstjóra Orkuveitu Reykjavíkur (OR) í næstum áratug áður en hann stofnaði Reykjavík Geothermal. Hann tók sér svo leyfi frá starfi forstjóra OR til að einbeita sér að rekstri orkufyrirtækisins Reykjavík Energy Invest (REI). Það var að mestu í eigu OR en REI átti að standa í starfsemi svipaðri þeirri sem Reykjavík Geothermal stundar nú. Fyrirtækið varð á skömmum tíma haustið 2007 eitt umdeildasta fyrirtæki síðari tíma á Íslandi og féll borgarstjórnarmeirihluti Sjálfstæðismanna og Framsóknarmanna meðal annars vegna deilna um fyrirtækið. En hvernig skyldi REI-málið líta við Guðmundi, nú fimm árum síðar?

„REI-málið var náttúrulega fyrst og fremst pólitískur farsí og í mínum huga meira birtingarmynd pólitísku valdatafls í borginni fremur en að það hafi eitthvað með REI sem fyrirtæki að gera. Eftir á að hyggja kom hins vegar kannski í ljós í REI-málinu að það getur verið erfitt fyrir opinber félög að starfa við uppbyggingu erlendis, sérstaklega eins og andinn hefur verið á Íslandi. Íslenska leiðin hefur verið sú að opinberir aðilar komi ekki nálægt slíki starfsemi en það hefur verið öðruvísi í Skandinavíu þar sem mörg umsvifamikil fyrirtæki eru að miklu leyti eða að hluta til í eigu ríkisins. Íslenska leiðin hefur verið að vera með mjög pólitískar stjórnir yfir opinberum fyrirtækjum sem hefur ekki tíðkast í þessum löndum en það hefur gert rekstur slíkra fyrirtækja á Íslandi mjög erfiðan.“

nýtingu jarðhita snemma. Á Nýja-Sjálandi og í Ástralíu eru sterk jarðhitafyrirtæki. Í Bandaríkjunum eru nokkur fyrirtæki, það sama gildir um Filippseyjar, Japan og Ítalíu. En það eru svo sem ekki mjög mörg fyrirtæki að gera það sama og við. Þau eru varla tíu í heiminum.“

Það er ekki ókeypis að fara út í fjárfestingar á borð við þær sem Reykjavík Geothermal hyggst leggja í til að mynda í Eþíópíu. Hvernig hefur gengið að fjármagna ykkar verkefni?

„Það er alltaf barátta og við opnuðum skrifstofuna hér í október 2008 og því hefur fjármagnsumhverfið verið þröngt allt frá upphafi. Við byggðum fyrirtækið því upp samsett úr jarðhitamönnum annars vegar og bankamönnum hins vegar. Og okkur hefur tekist að sækja fjármagn, fyrst og fremst erlendis frá, og erum því hérna enn þá. Við höfum fundið góða samstarfsaðila erlendis og nú veltir skrifstofan hér á Íslandi 400 til 500 milljónum á ári þannig að við teljum okkur hafa sýnt fram á að þetta er áhugaverður fjárfestingarkostur. Og jafnframt það að Íslendingar hafa tækifæri til að byggja áfram upp þekkingu á jarðhita og selja hana á heimsvísu.“

Hvernig má bæta stofnanaumhverfið á Íslandi til að hlúa að jarðvarmaklasanum og auðvelda honum að vaxa og dafna?

„Í fyrsta lagi einfaldlega með því að setja meira fé inn í þennan geira. Þá held ég að það hái stofnun eins og til að mynda ÍSOR [Íslenskar orkurannsóknir] verulega að

vera ríkisfyrirtæki. Ég held að það ætti að einkavæða hana svo að hún sé ekki bundin þeim takmörkunum sem felast í því að vera í opinberri eigu. Þá mætti hið opinbera koma sterkara inn með einhvers konar styrki og sömuleiðis hjálpa til við að koma saman íslenskum fyrirtækjum og alþjóðastofnunum. Það mætti að lokum samþætta starf þróunarhjálparrinnar betur við starf fyrirtækjanna. Það getur gagnast bæði fyrirtækjunum en ekki síður þróunarhjálpinni. Nýting jarðvarmaorku getur skipt heilmiklu máli í þróunarríkjum. Það er skelfilegt þegar maður kemur í vanþróuð lönd og sér að þau eru að eyða gríðarlegum fjármunum í dísilstöðvar sem liggja kannski ofan á hverum. Dísilstöðvar þarfnast lítillar upphafsþjárfestingar en eru mjög dýrar í rekstri, öfugt við jarðhitann. Ég held að Íslendingar ættu klárlega að einbeita sér að jarðhitapróun í sinni þróunarástæðu en utanríkisráðuneytið og Þróunarsamvinnustofnun hafa svo sem verið að færa sig í þá átt.“

Íslendingar hafa hagnýtt jarðhita í ríflega hundrað ár, fyrst í gegnum hitaveitu en á síðustu áratugum einnig til raforkuframleiðslu. Það er hins vegar ekki fyrr en á síðustu árum sem íslenskir aðilar hafa af alvöru hafið viðskiptaútrás með þá þekkingu sem hér hefur orðið til á jarðhita. Hvað hefur breyst á síðustu árum sem hefur gert þetta kleift?

„Íslendingar hafa rekið þekkingarútrás á þessu sviði í meira en aldarfjórðung. Í Jarðhitaskólanum sem við höfum þegar rætt, í

stofnun sem ríkið rak og hét Orkint, í félaginu Virkir sem verkfræðistofurnar og Hitaveita Reykjavíkur voru með, en svo sameinuðust Orkint og Virkir reyndar. Þannig að Íslendingar hafa verið að reyna þetta í nokkrun tíma. Það sem hefur breyst er í fyrsta lagi það að menn hafa svoltið skipt um áherslur og eru nú tilbúnir til þess að fjárfesta í uppbyggingarverkefnum. Það hjálpar því að Íslendingar voru alltaf að keppa á markaði þar sem keppinautarnir gátu sett sín verkefni fram sem þróunarástæðu. Það hefur líka breyst hvað Ísland er orðið þekkt í þessum heimi. Jarðhitaskólinn hefur kynnt okkur víða, vetnisnotkunin hér hefur vakið mjög mikla athygli á jarðhitannum. Forsetinn hefur verið ódrepani í því að kynna þetta um allan heim. Stjórnvöld hafa einnig haldið þessu á lofti og þá má ekki gleyma Bláa lóninu. Allt þetta hefur gert það að verkum að Ísland er orðið eitt allra stærsta nafnið í jarðhita í heiminum. Loks er jarðhitinn sjálfur orðinn mun þekktari. Það má því eiginlega segja að dropinn hafi holað steininn sem sé að skila sér núna. Þá má að síðustu nefna að Íslendingar eru orðnir mun alþjóðavæddari og minna hræddir við að hasla sér völl erlendis. Okkar fyrirtæki er reyndar sérstakt að því leyti að við erum einungis í verkefnum erlendis en verkfræðistofurnar vinna að íslenskum verkefnum og eru einnig að koma sér upp skrifstofum erlendis. Þessi útflutningur á íslenskri jarðhitapekkingu er því að verða töluverður iðnaður.“



Kenna á erfiðu samtölin

Nemendum í PMD-stjórnendanámi við Opna háskóla Háskólans í Reykjavík verður í ár gefinn kostur á kennslu í því hvernig bregðast eigi við áföllum á vinnustöðum og hvernig taka skuli á vanda einstakra starfsmanna.

MENNTAMÁL

Magnús Þorlákur Lúðvíksson
magnusl@frettabladid.is

Boðið verður upp á þá nýjung í PMD-stjórnendanáminu í Opna háskóla Háskólans í Reykjavík (HR) að nemendum verður gefinn kostur á kennslu í því að eiga erfið samtöl á vinnustöðum. Með því er átt við samtöl um frammistöðu- eða mætingarvanda starfsmanna, áfengis- og vímuefnaneyslu þeirra eða þá uppsagnarsamtöl, svo eitt hvað sé nefnt. Þá verður fjallað um hvernig takast eigi á við áföll á vinnustöðum. Lítið framboð hefur verið hingað til á Íslandi á leiðbeiningum um hvernig stjórnandi eigi að bera sig að í slíkum aðstæðum.

„Mín reynsla er sú að mál sem þessi séu í hópi erfiðustu úrlausnarefna stjórnenda. Það gildir ekki síst í litlum samfélögum þar sem samstarfsfólk hittist reglulega, jafnvel utan vinnu,“ segir Inga Björg Hjalta-dóttir, héraðsdómslögmaður og stundakennari við HR.

„Það er hins vegar mikilvægt að stjórnendur viti hvernig þeir eiga að haga sér í svona aðstæðum. Það koma upp vandamál á öllum vinnustöðum en þar að auki er mikilvægt að starfsmenn viti hvað



INGA BJÖRG HJALTADÓTTIR Héraðsdómslögmaður og stundakennari við HR.

þeir eru að gera vel og hvað þurfi að laga. Mín reynsla er sú að íslenskir stjórnendur eigi oft erfitt með þessa eftirgjöf enda virðist það ekki henta Íslendingum eðlilegt að vera mjög beinir í samskiptum um erfið mál,“ segir Inga.

Aðspurð um þumalputtareglur sem komið geta að gagni í erfiðum samtölum svarar Inga: „Það fer svoltið eftir því í hvers konar samtal er verið að fara. Það sem er kannski sameiginlegt með þeim öllum er þó að stjórnandinn á ekki að huga mikið að eigin persónu í

samtölunum heldur einbeita sér fremur að nákvæmlega því sem þarf að ræða. Algeng mistök eru til dæmis að stjórnandinn leggi mikla áherslu á það hvað honum finnst leiðinlegt að þurfa að eiga samtalið. Það getur virkað illa á starfsmanninn því sennilega finnst engum jafn leiðinlegt að samtalið sé að eiga sér stað og honum.“

Þá segir Inga jafnframt mikilvægt að stjórnandinn gefi skýrt til kynna að verið sé að ræða tiltekna hegðun, tiltekið atvik eða

tilteknar aðstæður og varist að draga víðtækar ályktanir. Stjórnandinn þurfi auk þess að vera vel undirbúinn og nákvæmur í orðavali.

„Það dugar hins vegar oft ekki að benda bara á vandann eða leiðréttu eitthvað einfalt heldur þarf oft breytingar. Þá skiptir máli að ná fram vilja fyrir lausn frá starfsmanninum sem krefst ákveðinn lagni. Við reynum því að leiðbeina um hvernig best megi stuðla að því en fjöllum líka um hvernig bregðast eigi við ef hlutirnir lagast ekki í kjölfarið,“ segir Inga.

Að lokum segir Inga uppsagnarsamtöl oft vera þau samtöl sem reynist stjórnendum hvað erfiðust. „Leiðarljósið í slíkum samtölum er í raun mannvirðing og að stjórnandinn sýni ákveðna auðmýkt þegar hann fer inn í samtalið. Markmiðið á að vera að í kjölfar samtalsins finnst hvorki stjórnandanum né starfsmanninum óþægilegt að hitta hinn úti á götu eða úti í búð,“ segir Inga.

MD-stjórnendanámið er eins árs nám í Opna háskólanum, endurmenntunarskóla HR. Það er ætlað fyrir þá sem vilja auka samkeppnishæfni sína í atvinnulífinu og er hægt að stunda meðfram vinnu.

Tölur frá Seðlabankanum:

Erlend verðbréfaeign jókst mikið

Erlend verðbréfaeign innlendra aðila nam 922 milljörðum króna í lok síðasta árs. Hún jókst um 125,5 milljarða króna frá árinu á undan. Þá jókst eign í skuldaskjölum um 117,2 milljarða króna á milli ára og nam 349,6 milljörðum í árslok 2011. Aukninguna má að mestu leyti rekja til fjárfestingar innlánsstofnana í slitameðferð. Þetta er meðal þess sem kemur fram í nýju yfirliti Seðlabankans um erlenda verðbréfaeign innlendra aðila. Lífeyrissjóðir eru enn stærstu fjárfestarnir þrátt fyrir mikinn vöxt í erlendum eignum innlánsstofnana og banka í slitameðferð. Bandaríkjadalur er stærsti útgáfugjaldmiðill erlendarar verðbréfaeignar.

- mþl

OR hagnaðist um 3 milljarða:

Viðsnúningur í afkomu OR

Orkuveita Reykjavíkur (OR) hagnaðist um riflega þrjú milljarða króna á öðrum ársfjórðungi. Til samanburðar tapaði fyrirtækið rúmum sex milljörðum króna á sama tímabili í fyrra. OR skilaði þó samanlagt rúmlega 900 milljóna tapi á fyrri helmingi ársins.

Tap á tímabilinu má rekja til veikingar krónunnar og lækkunar álverðs á fyrri helmingi ársins. Þannig voru reiknuð áhrif þessara og annarra óinnleysta fjármagnsliða á heildarafkomuna neikvæð um 8,5 milljarða á tímabilinu.

„Uppstokkunin í rekstri Orkuveitunnar hefur nú skilað sér í góðri afkomu eins og að var stefnt með Planinu,“ sagði Bjarni Bjarnason, forstjóri OR, í fréttatilkynningu um árshlutauppgjörið en rekstrarhagnaður á fyrri helmingi ársins jókst verulega.

- mþl



BJARNI BJARNASON FORSTJÓRI OR.

Hlutfjárframlag FISK Seafood til Olís nemur einum milljarði króna:

Kaupfélag malar áfram gull

Tæplega 2,5 milljarða króna hagnaður var af rekstri Kaupfélags Skagfirðinga (KS) og dótturfélaga þess á árinu 2011. Samtals hefur félagið hagnast um sjö milljarða króna á síðustu þremur árum. Þetta kemur fram í ársreikningi KS sem skilað var inn til ársreikningaskrár fyrr í þessum mánuði.

Eiginfjárstaða KS er gríðarlega góð, en eigið fé þess er 17,8 milljarðar króna. Þar af nemur handbært fé um 5,3 milljörðum króna. Skuldir KS lækkuðu í

fyrra um 1,2 milljarða króna og stóðu í 11,6 milljörðum króna um síðustu áramót. Eignir félagsins voru metnar á 29,4 milljarða króna á sama tíma. Dótturfélög KS reka útgerð og fiskvinnslu á Sauðárkróki, Skagaströnd og í Grundarfirði. Auk þess reka þau eignarhalds- og vöruflutningastarfsemi og fóður- og áburðarsölu.

Eitt dótturfélaganna, FISK Seafood, komst í fréttir fyrr á þessu ári þegar það ákvað, ásamt útgerðarrísanum Samherja, að

leggja Olís til nýtt hlutfé. Fréttablaðið greindi frá því í apríl síðastliðnum að hlutfé í Olís hefði verið lækkað um 75 prósent í febrúar 2012 en síðan hækkað samtundis aftur um sama magn. Í fréttinni var haft eftir Einari Benediktssyni, forstjóra Olís, að hið nýja hlutfé, sem FISK Seafood og Samherji greiddu inn að mestu, yrði ekki greitt fyrr en Samkeppniseftirlitið hefði lagt blessun sína yfir aðkomu hinna nýju hluthafa. Sú ákvörðun liggur

enn ekki fyrir en forsvarsmenn Olís bjuggust upphaflega við henni um miðvik júní síðastliðins.

Í ársreikningi KS-samstæðunnar kemur fram að bundnar bankainnstæður hennar nemi einum milljarði króna og að þær séu „innstæður inni á vörslureikningi í Landsbankanum vegna skuldbindingar FISK Seafood hf. vegna fyrirhugaðrar hlutfjárkaupa í Olís hf.“

Kaupfélagsstjóri KS er Þórólfur Gíslason.

- þsj

Uppgjör Landsvirkjunar:

Viðunandi hagnaður

Landsvirkjun hagnaðist um 8,5 milljónir Bandaríkjadala, sem jafngildir riflega 1 milljarði íslenskra króna, á fyrri helmingi ársins. Hagnaður fyrir óinnleysta fjármagnsliði var hins vegar 46,9 milljónir dala, eða sem nemur 5,7 milljörðum króna. Til samanburðar var hagnaður fyrir óinnleysta fjármagnsliði 50,5 milljónir dala á sama tímabili í fyrra.

„Rekstur Landsvirkjunar á fyrri hluta ársins hefur gengið vel, skrifað var undir raforkusamninga við tvo nýja viðskiptavini, raforkuvinnslan gekk vel og framkvæmdir við Búðarhálsvirkjun eru að mestu leyti á áætlun,“ segir Hörður Arnarson, forstjóri Landsvirkjunar, og bætir við: „Afkoma fyrri hluta ársins er vel viðunandi í ljósi efnahagsástands í heiminum.“

- mþl



HÖRÐUR ARNARSON, FORSTJÓRI LANDSVIRKJUNAR.

KPMG

cutting through complexity

FRÓÐLEIKUR Á FIMMTUDÖGUM

Virðisaukaskattur í ferðaþjónustu

30. ágúst | kl. 8:30 | Borgartúni 27

Kynntar verða niðurstöður könnunar KPMG á þeim áhrifum sem fyrirhuguð hækkun virðisaukaskatts á gistingu mun hafa. Innan ferðaþjónustunnar gilda flóknar reglur um virðisaukaskatt og misjafnt hvort aðilar innan hennar eru í virðisaukaumhverfi eða ekki.

Skráning og nánari upplýsingar á kpmg.is

Velkomin á landsleik í upplýsingatækni

Haustráðstefna atvinnulífsins

Haustráðstefna Advania verður haldin föstudaginn 7. september á Hilton-hótelinu í Reykjavík. Ráðstefnan er einstakt stefnumót upplýsingatækni og atvinnulífs með 3 lykilræðum og 40 gagnlegum fyrirlestrum um stefnur og strauma.

Newsweek, LSH og Fjarðaál

Lykilræður ráðstefnunnar verða þrjár.

Dan Lyons, tækniritstjóri Newsweek, fjallar um byltingu snjallsíma og samfélagsmiðla og áhrif hennar á atvinnulífið.

Björn Zoëga, forstjóra Landspítala-Háskólasjúkrahúss, segir frá nýja spítalanum í Vatnsmýrinni; þessu tækniundri sem verður að mörgu leyti hjarta þekkingariðnaðar í landinu.

Janne Sigurðsson, forstjóri Fjarðaáls, greinir frá því hvernig álverið á Reyðarfirði beitir upplýsingatækni á markvissan hátt til að skapa þekkingarver í fremstu röð.

Áfram Ísland!

Ráðstefnan stendur yfir frá morgni til kvölds þegar blásið verður til veglegs lokahófs með landsþekktum listamönnum og skemmtikröftum. Að því loknu býður Advania ráðstefnugestum á **landsleik Íslands og Noregs** í undankeppni HM í fótbolta.

Ráðstefnugjald er 31.400 kr. og eru veitingar yfir daginn innifaldar.

Dagskrá og skráning

Kíktu á vefinn og skoðaðu dagskrána. Skráning er hafin á advania.is/haustradstefna

#haust2012

Fylgstu með og taktu þátt í umræðunni á Twitter



advania

Welcome to IT

BANKAHOLFID



Magnús Þorlákur
Lúðvíksson

Hlutlausan dómara á pólitíska völinn

Fyrir sjö eða átta árum kolféll ég fyrir sjónvarpsþáttunum The West Wing. Frábært sjónvarp en þættirnir kveiktu auk þess hjá mér áhuga á bandarískum stjórnmálum sem hefur ekki slokknað síðan. Fyrir þá sem hafa þetta áhugamál er gósentíð þessa dagana því kosningabaráttan fyrir bandarísku forsetakosningarnar í nóvember er í algleymingi.

Dómari á vellinum

Eins og gefur að skilja eru efnahagsmál ofarlega á baugi og frambjóðendumir tveir, Obama forseti og áskorandinn Romney, keppast nú við að kynna hugmyndir að lausnum við vandamálum bandarísku þjóðarinnar. Þar að auki hafa flokkar þeirra kynnt ýmis stefnumál á síðustu misserum í formi frumvarpa sem lögð hafa verið fyrir þingið. Í fréttalutningi af téðum stefnumálum og frumvörpum ber ríkisstofnun eina, Congressional Budget Office (CBO), iðulega á góma. Hlutverk hennar er að gefa út hagspár og skýrslur um efnahagsmál en auk þess greinir stofnunin frumvörp og hugmyndir stjórnmálaflokka með tilliti til væntra áhrifa þeirra á ýmsar hagstærðir, svo sem hagvöxt, atvinnuleysi, verðbólgu, tekjujöfnuð, ríkisfjármálin og svo framvegis. Leiði greining CBO í ljós að líklega muni viðkomandi frumvarp ekki hafa tilætluð áhrif eða mögulega óvænt skaðleg áhrif hefur það pólitískar afleiðingar fyrir viðkomandi stjórnmálamenn því stofnunin er ópólitísk og nýtur virðingar.


Gagnlegt fyrir kjósendur

Upplýsingar eins og þær sem stofnunin veitir geta verið mjög nytsamlegar fyrir kjósendur. Ég ætla auðvitað ekki að halda því fram að margt fólk úti í bæ liggir yfir skýrslum frá CBO áður en það gerir upp á milli stjórnmálaflokka. Hins vegar móta þær svo um munar alla stjórnmálaumræðu. Þannig leyfa ábyrgir fjölmiðlar frambjóðendum vitaskuld ekki að komast upp með fullyrðingar sem engin innistæða er fyrir. Það verður því skaðlegt fyrir flokka og frambjóðendur að kynna óábyrgar hugmyndir sem fyrir vikið letur þá frá yfirboðs- og slagorðapólitík. Í vor verða þingkosningar á Íslandi. Í hinum besta heimi allra heima myndu allir stjórnmálaflokkarnir heita því að ríkisreksturinn verði áfram í járnnum næstu árin svo hefja megi niðurgreiðslu skulda ríkisins. Miðað við málflytning margra núverandi þingmanna, en þó ekki allra, undanfarið má hins vegar vel ímynda sér baráttu keyrða áfram á kosningaloforðum um lægri skatta, hærri ríkisútgjöld en samt minni skuldasófnun fyrir óskilgreint kraftaverk. Í slíkum aðstæðum gæti verið ágætt að hafa hlutlausan dómara á borð við CBO inni á vellinum. Kannski fyrir kosningarnar 2017 þegar ástand ríkisfjármálanna verður vonandi orðið betra.

græna ljósið
-beta bíó

MYNDIN SEM HEFUR SLEGIÐ ÖLL MET

VINSÆLASTA MYND ALLRA TÍMA Á ÍSLANDI, AF ÞEIM SEM ERU HVORKI Á ENSKU NÉ ÍSLENSKU



SÝNINGUM
FER
FÆKKANDI



„Bætir, hressir og kætir.“

- Haukur Viðar Alfreðsson, Fréttablaðið



„Heillandi leikur og falleg saga.“

- Helgi Snær Sigurðsson, Morgunblaðið

BYGGÐ Á SANNRI SÖGU

François Cluzet Omar Sy
Intouchables

SÝND Í HÁSKÓLABÍÓI, LAUGARÁSBÍÓI OG BORGARBÍÓI AKUREYRI

Vertu vinur okkar og þú gætir unnið miða!



Facebook.com/graenaljosid



Twitter.com/graenaljosid

55
ÞÚSUND
GESTIR!

Fjölnota LITA prentari með netkorti



LITAPRENTARI, SKANNER og FAX
Prenthraði: 16 bl./min. svörtu og 4 blit
Upplausn: 2400x600dpi

SKANNI OG LJÓSRITUN:
Upplausn: 1200x1200dpi
(max. 4800x4800dpi)
FAX: Minni 2MB, 160 síður
Skannar skjöl og vistar beint á minniskubb
í JPEG eða PDF sniði.

Pappírshakki inn/út: 130/80 blöð
Minni: 256 MB
Stuðningur: Windows, Mac OS, Linux, Pcl5, Pcl6
Tenging: 100Mbps LAN, USB 2.0

Tilboðsverð: 69.900 kr.

Fjölnota prentari með netkorti



PRENTARI, SKANNER og FAX
Prenthraði: 24 bl./min.
Fyrsta blaðsíða: 10 sek.
Upplausn: 1200x1200dpi

SKANNI OG LJÓSRITUN:
Upplausn: 1200x1200dpi (max.
4800x4800dpi)
FAX: Leshraði: um 3 sek. pr. síðu

Pappírshakki inn/út: 250/150 blöð
Minni: 128 MB
Stuðningur: Windows, Mac OS, Linux
Tenging: USB 2.0, Ethernet

Tilboðsverð: 59.900 kr.

LITA-laserprentari með netkorti



PRENTARI
Prenthraði: 24 bl./min. í svarthvítu,
24 bl./min. í lit
Fyrsta blaðsíða út: 20 sek.
Upplausn: 9600x600dpi
Minni: 256MB
Pappírshakki inn: 250+100 blöð
Pappírshakki út: 200 blöð
Hljódmagn: < 52dB
Stuðningur: Windows, Mac OS, Linux
Tenging: USB 2.0, Ethernet 10/100 Base TX

Tilboðsverð: 45.900 kr.

SAMSUNG

HÁGÆÐA
VINNUDYR
á
UNDRAGÓÐU
VERÐI!

ORMSSON